

舊唐書

唐書志卷第二十三

劉 昫

職官二

太師太傅太保各一員

謂之三師並正一品後漢初太傅置府僚至周隋三師不置府寮初拜於尚書省上隋煬帝廢三師之官

武德復置一如隋制

三師訓導之官天子所師法大抵無所統職然非道德

崇重則不居其位無其人則闕之

太尉司徒司空各一員

謂之三公並正一品魏晉至北齊三公置府寮隋初亦置府寮尋省府寮初拜於尚書省上唐因之武

德初太宗為之其後親王拜三公皆不視事祭祀則攝者行也

三公論道之官也蓋以佐天子理陰陽

平邦國無所不統故不以一職名其官大祭祀則太尉亞獻司徒

奉俎司空行掃除

尚書都省

龍朔二年改為中臺光宅元年改為文昌臺神龍初復

尚書省領二十四司

六尚書各分領四司

尚書令一員

正二品武德中太宗為之自是闕而不置

令摠領百官儀形端揆其屬有六

尚書一曰吏部二曰戶部三曰禮部四曰兵部五曰刑部六曰工部

凡庶務皆會而決之左右僕射各一員從二品

龍朔二年改為左右匡政光宅元年改為文昌



左右相開元元年改為左右丞相天寶元年復為左右僕射掌統理六官綱紀庶務以貳令之職自不

置令僕射摠判省事御史糾劾不當兼得彈之左右丞各二負左丞

正四品上右丞正四品下龍朔改為左右肅機威亨左丞掌管轄諸司糾正

復永昌元年昇為從三品也如意元年復四品也

省內勾吏部戶部禮部十二司通判都省事若右丞闕則併行之

右丞管兵部刑部工部十二司若左丞闕右丞兼知其事御史有

糾劾不當兼得彈之左右司郎中各一負並從五品上隋置武德初省貞觀初復置龍朔二年改為左右丞復也

左司郎中副左丞所管諸司事省署鈔目勘稽失知省內

宿直之事若右司郎中闕則併行之左右司員外郎各一負天后

元年置左右司員外郎各一人神龍初省後復置左右司郎中員外郎各掌副十有二司之

事以舉正稽違省署符目焉凡都省掌舉諸司之綱紀與百寮

之程式以正邦理以宣邦教凡上所以追下其制有六曰制勅冊

教天子曰制勅曰冊曰教凡下之所以達上其

制亦有六曰詔狀牒詔上於天子其近臣亦為狀牒啓上皇太子

又言曰詔也詔司自相宣問其義有三關刺移謂謂關通其事刺

其事於他司移則通判之官皆連署也

凡內外百司所受之事皆印其發日爲之程限

凡尚書省施行制勅案成則給程以鈔之若急速者不出其日若諸州計奏達于京師量事之大小與多寡以爲之節凡京師諸司有符移關牒下諸州者必由於都省以遣之凡文案既成勾司行朱訖皆書其上端記年月日納諸庫凡施行公文應印者監印之官考其事目無差然後印之必書於曆每月終納諸庫凡尚書省官每日一人宿直都司執直簿轉以爲次凡內外百寮日出而視事既午而退有事則直官省之其務繁不在此例凡天下制勅計奏之數省符宣告之節率以歲終爲斷京師諸司皆以四月一日納于都省其天下諸州則本司推校以授勾官勾官審之連署封印附計帳使納于都省常以六月一日都事集諸司令史對覆若有隱漏不同皆附于考課焉主事六人

從九品上

令史十八人書令史三

十六人亭長六人掌固十四人

凡令史掌案文簿亭長掌固檢校省門戶倉庫廳事陳設之事也

吏部尚書一員

正三品龍朔二年改爲司空尚書神龍復爲吏部尚書也

侍郎二員

正四品上隋煬帝大業三年尚書六曹各置侍郎一人以二尚書之職並正四品國家定令諸曹侍郎降為正四品下唯吏部侍郎為正四品

上龍朔改為司列少常伯咸亨復總章元年吏部兵部各增置侍郎一員也

吏部尚書侍郎之職掌天下官吏選

授勲封考課之政令其屬有四曰吏部二曰司封三曰司勲四曰

考功摠其職務而行其制命凡中外百司之事由於所屬皆質正

焉凡選授之制每歲集於孟冬去王城五百里之內以上旬千里

之內以中旬千里之外以下旬尚書侍郎分為三銓尚書為尚書銓侍郎二人分為中銓

東銓凡擇人以四才校功以三實四才謂身言書判其優長者有可取焉三實謂德行才用勞効德均以才才均以勞

勞必考其實而進退之較之優劣而定其留放所以正權衡明與奪抑貪冒

進賢能然後據其官資量為注擬五品已上以名上中書門下聽制授其官六品已下量資在定其才職頗高可

擢為拾遺補闕監察御史者亦以名送中書門下聽勅授其有歷職清要考第頗深者得隔品授

之不然即否凡出身非清流者不注清資官凡注官若官資未相

當及以為非便者聽至三注凡伎術之官皆本司定送吏部附甲

凡同司聯事勾檢之官皆不得注大功已上親凡皇親諸親及

軍功兼注負外郎凡注擬必先具官階團甲送門下以聞注官階高擬卑曰行

階卑擬高曰守三銓注擬託皆當銓團甲過左右僕射若中銓東銓則過尚書蓋乃
上門下省給事中讀黃門侍郎省侍中審然後進甲以聞聽言授而施行焉若左
右僕射門下批官不當者別凡大選終於季春之月若選人有身在軍校則
改注亦有重執而上者也有處分及即與官者並聽非時選一百日內注擬之
所以定九洙之品格補

萬方之關政官人之道備焉

郎中二負

並從五品上龍朔為司列大夫咸亨光宅並隨曹改也

負外郎二負

並從六品上

令史三十人

書令史六十人亭長八人掌固十二人郎中一人掌考天下文吏

之班秩階品凡敘階二十有九品在都序自一品至九品品有上

下凡散官四品已下九品已上並於吏部當番上下

其應當番四十日五日若都省須

人送符諸司須人者並兵部吏部散官上經兩番已上聽簡入選不第者依番名不過五六也

凡敘階之法有以封爵有

以親戚有以勲庸有以資蔭有以秀孝有以勞考有除免而復敘

者皆循法以申之無或枉冒凡應入三品五品者皆待別制而進之

不然則否凡文武百寮之班序官同者先爵爵同者先齒凡京司

有常參官

謂五品以上職事官八品已上供奉官員外郎監察御史太常博士

供奉官

兩省自侍中中書令已下盡名供奉官

諸司長官清望官四品已下八品已上清官每日以六品已上清

官兩人待制於衙

供奉官宿衛官不在此例

凡授四品已下清望官才職相當

不應進讓凡職事官應觀省及移疾不得過程年七十已上應致

仕若齒力未衰亦聽釐務凡官人身及同居大功已上親自執工

商家專其業及風疾使酒皆不得入仕凡內外官有清白著聞應

以名薦則中書門下改授五品已上量加昇進六品已下有付吏

部即量等第遷轉若第二第三等人五品已上改日稍優之六品

已下秩滿聽選不在放限其嶺南黔中三年一置選補使號為南

選凡天下官吏各有常負凡諸司置直皆有定數

諸司諸色有品直官內外

官吏則有假寧之節行李之命簿書景迹功賞殿雪具負皆與負

外郎分掌之郎中一人掌小銓亦分為九品通謂之行署以其在九

流之外故謂之流外銓亦謂之小選其校試銓注與流內銓略同

其吏部兵部禮部考功都省御史臺中書門下謂之前八司其餘

則曰後行凡擇流外取工書計兼頗曉時務

三事中有一優長則在敘限

每經三

考轉選量其才能而進之不則從舊任

小銓舊委郎中專知開元二十五年初銓試訖留放皆尚書侍郎定之

負外郎一人掌判南曹

曹在選曹之南故謂之南曹

每歲選人有解狀簿書資

歷考課必由之以覈其實乃上三銓其三銓進甲則署焉

負外郎一人掌判曹務凡預太廟齋郎帖試如貢舉之制

司封郎中一員

從五品上隋曰主爵郎武德因之龍朔二年改為司封大夫光宅改司封郎中

司封負外郎一員

從六品上主事二人

從九品上令史四人書令史九人掌固四人

司封郎中員

外郎之職掌國之封爵凡有九等

一曰王正一品食邑一萬戶二曰郡王從一品食邑五千戶三曰國公從一品食邑三千戶四曰郡公正二品食邑二千戶五曰縣公從二品食邑一千五百戶六曰縣侯從三品食邑一千戶七曰縣伯正四品食邑七百戶八曰縣子正五品食邑五百戶九曰縣男從五品食邑三百戶

凡名山大川及畿內諸縣皆不以封至郡公有餘爵聽迴授子孫其國公皆特封凡天下觀有定數每觀立三綱以道

德高者充凡三元諸齋曰修金錄明真等齋凡道士女道士簿籍

三年一造凡外命婦之制皇之姑封大長公主皇姊妹封長公主皇

女封公主皆視正一品皇太子之女封郡主視從一品王之女封縣

主視正二品王母妻為妃一品及國公母妻為國夫人三品已上母

妻為郡夫人五品若勲官三品有封母妻為縣君散官並司職事

勲官四品有封母妻為鄉君其母邑號皆加太字各視其夫子之
品若兩有官爵者從其高若內命婦一品之母為正四品郡君二
品之母為從四品郡君三品四品之母並為正五品郡君凡婦人不
因夫及子而別加邑號夫人云某品夫人郡君為某品郡君縣君鄉
君亦然凡庶子有五品已上官皆封嫡母無嫡母封所生母凡二
王後夫人職事五品已上散官三品已上王及國公母妻朝參各視
其夫及子之禮凡親王孺人二人視正五品媵十人視正六品嗣
王郡王及一品媵十人視從六品二品媵八人視正七品三品及國
公媵六人視從七品四品媵四人視正八品五品媵三人視從八品
降此外皆為妾凡皇家五等親及諸親三等存亡升降皆立簿
書籍每五年一造除附之制並載於宗正寺

司勲郎中一員

從五品上隋曰司勲郎武德初加中字龍朔改為司勲大夫咸亨復

司勲員外郎二員

從六品上主事四人

從九品上

令史三十三人書令史六十人掌固四人郎中

員外郎之職掌邦國官人之勲級凡勲十有二轉為上柱國比正

二品十二轉爲柱國比從二品十轉爲上護軍比正三品九轉爲護軍比從三品八轉爲上輕車都尉比正四品七轉爲輕車都尉比從四品六轉爲上騎都尉比正五品五轉爲騎都尉比從五品四轉爲驍騎尉比正六品三轉爲飛騎尉比從六品二轉爲雲騎尉比正七品一轉爲武騎尉比從七品凡有功效之人合授勲官者皆委之覆定然後奏擬

考功郎中一員

從五品上龍朔二年改爲司績大夫咸亨復

考功員外郎一員

從五品上龍朔改爲司績

貞外郎咸亨復

主事三人

從八品上

令史十三人書令史二十五人掌固四人

郎中員外郎之職掌内外文武官吏之考課凡應考之官家具錄當年功過行能本司及本州長官對衆讀議其優劣定爲九等考第各於所由司準額校定然後送省内外文武官量遠近以程之有差附朝集使送簿至省每年別勅定京官位望高者二人其一人校京官考一人校外官考又定給事中中書舍人各一人其一人監京官考一人監外官考郎中判京官考員外判外官考其

檢覆同者皆以功過上使京官則集應考之人對讀注定外官對
朝集使注定凡考課之法有四善一曰德義有聞二曰清慎明著
三曰公平可稱四曰恪勤匪懈善狀之外有二十七最其一曰獻可
替否拾遺補闕爲近侍之最其二曰銓衡人物擢盡才良爲選司
之最其三曰揚清激濁褒貶必當爲考校之最其四曰禮制儀式
動合經典爲禮官之最其五曰音律克諧不失節奏爲樂官之最
其六曰決斷不滯與奪合理爲判事之最其七曰都統有方警守
無失爲宿衛之最其八曰兵士調習戎裝充備爲督領之最其九
曰推鞠得情處斷平允爲法官之最其十曰讎校精審明爲刑定
爲校正之最其十一曰承旨敷奏吐納明敏爲宣納之最其十二
曰訓導有方生徒充業爲學官之最其十三曰賞罰嚴明攻戰必
勝爲將帥之最其十四曰禮義興行肅清所部爲政教之最其十
五曰詳錄典正辭理兼舉爲文吏之最其十六曰訪察精審彈舉
必當爲糾正之最其十七曰明於勘覆稽失無隱爲勾檢之最其

十八曰職事修理供承強濟爲監掌之最其十九曰功課皆充丁匠無怨爲役使之最其二十曰耕耨以時收穫剩課爲屯官之最其二十一曰謹於蓋藏明於出納爲倉庫之最其二十二曰推步盈虛究理精密爲曆官之最其二十三曰占候醫卜効驗居多爲方術之最其二十四曰譏察有方行旅無壅爲關津之最其二十五曰市廛不擾姦濫不作爲市司之最其二十六曰牧養肥碩蕃息孳多爲牧官之最其二十七曰邊境肅清城隍脩理爲鎮防之最一最以上有四善爲上一最以上有三善或無最而有四善爲上中一最以上有二善或無最而有三善爲上下一最以上而有一善或無最而有二善爲中上一最以上或無最而有一善爲中中職事粗理善最不問爲中下愛憎任情處斷乖理爲下上背公向私職務廢闕爲下中居官詭詐貪濁有狀爲下下若於善最之外別可加尚及罪雖成殿情狀可矜雖不成殿而情狀可責者省校之日皆聽考官臨時量定內外官從見任改爲別官者其年考從日申校

百司量其閑劇諸州據其上下進考之人皆有定限苟無其功不
要充數功過於限亦聽量進其流外官本司量其行能功過立四
等考第而勲進之凡親勲翊衛皆有考第考第之中略有三等衛
主帥如三衛之考其監門校尉直長如主帥之考凡謚議之法古
之通典皆審其事以為旌別

戶部尚書二員

正三品隋為民部尚書貞觀二十三年改為戶部明慶元年改為度支龍朔二年改為司元太常伯光宅元年改為地官尚書

神龍復為戶部

侍郎二員

正四品下自隋已來改易名位皆隋尚書也

尚書侍郎之職掌天下田戶均輸錢穀之政令其屬有四曰戶

部二曰度支三曰金部四曰倉部摠其職務而行其制命凡中外

百司之事由於所屬皆質正焉

郎中二員

並五品上

員外郎二員

從六品上

品上郎中員外自隋已來隨曹改易

主事四人

從九品上

今史十五人書令史三十四人亭長

六人掌固十人

郎中員外之職掌分理戶口井田之事凡天下

十道任土所出為貢賦之差凡天下之州府三百一十有五而羈縻

之州迨八百焉四萬戶已上為上州三萬戶以上為中州不滿為下

州凡三都之縣在內曰京縣城外曰畿又望縣有八十五焉其餘則六千戶以上爲上縣二千戶已上爲中縣一千戶已上爲中下縣不滿二千戶皆爲下縣凡天下之戶八百一萬八千七百一十口四千六百二十八萬五千一百六十二百戶爲里五里爲鄉兩京及州縣之郭內分爲坊郊外爲村里及坊村皆有正以司督察四家爲鄰五鄰爲保保有長以相禁約凡男女始生爲男黃四歲爲小十六爲中二十有一爲丁六十爲老每歲一造計帳三年一造戶籍縣以籍成于州州成于省戶部摠而領焉凡天下之戶量其資定爲九等每定戶以仲年造籍以季年州縣之籍恒留五比省籍留九比凡戶之兩貫者先從邊州爲定次從關內次從軍府州若俱者各從其先貫焉樂住之制居狹鄉者聽其從寬居遠者聽其從近居輕役之地者聽其從重辨天下之四人使各其業凡習學文武者爲士肆力耕桑者爲農巧作器用者爲工屠沽興販者爲商工商之家不得預於士食祿之人不得奪下人之利凡天下之田五尺爲

步步二百有四十爲畝畝百爲頃度其肥瘠寬狹以居其人凡給田之制有差園宅之地亦如之凡給口分田皆從便近居城之人本縣無田者則隔縣給授凡應收授之田皆起十月畢十二月凡授田先課後不課先貧後富先多後少凡州縣界內所部受田悉足者爲寬鄉不足者爲狹鄉凡官人及勲授永業田凡天下諸州有公廨田凡諸州及都護府官人有職分田凡賦役之制有四一曰租二曰調三曰役四曰課戶每丁租粟二石其調隨鄉土所產綾絹絁各二丈布加五分之一輸綾絹者綿三兩輸布者麻三斤皆書印焉凡丁歲役二旬無事則收其庸每日三尺有事而加役者旬有五曰免調三旬則租調俱免凡庸調之物仲秋斂之季秋發於州租則準州土收穫早晚量事而斂之仲冬起輸孟春而納畢本州納者季冬而畢凡諸國蕃胡內附者亦定爲九等凡嶺南諸州稅米及天下諸州稅錢各有準常凡丁戶皆有優復蠲免之制若孝子順孫義夫節婦志行聞於鄉閭者州縣申省奏聞而表其門

間同籍悉免課役有精誠致應者則加優賞焉凡京司文武職事官皆有防閑凡州縣官寮皆有白直凡州縣官及在外監官皆有執衣凡諸親王府屬並給士力具品數如白直凡有功之臣賜實封者皆以課戶充凡食封皆傳于子孫凡庶人年八十及篤疾給侍丁一人九十給二人百歲三人凡天下朝集使皆以十月二十五日至京師十一月一日戶部引見訖於尚書省與羣官禮見然後集于考堂應考績之事元日陳其貢篚於殿廷凡京都諸縣令每季一朝

度支郎中一員

從五品上龍朔改爲司度大夫咸亨復

員外郎一員

從六品上

主事二人

從九品上

今史十六人書令史三十三人計史一人掌固四人郎中員外之職

掌判天下租賦多少之數物產豐約之宜水陸道途之利每歲計

其所出而度其所用轉運徵斂送納皆準程而節其遲速凡和

糴和市皆量其貴賤均天下之貨以利於人凡金銀寶貨綾羅之

屬皆折庸調以造凡天下舟車水陸載運皆具爲脚直輕重貴賤

平易險澁而爲之制凡天下邊軍有支度使以計軍資糧仗之用

每歲所費皆申度支會計以長行百爲準

金部郎中一員

從五品上龍朔爲司珍大夫咸亨復

員外郎一員

從六品上

主事三人

從九品上

令

史八人書令史二十一人計史一人掌固四人

郎中員外郎之職

掌判天下庫藏錢帛出納之事頒其節制而司其簿領凡度以北方秬黍中者一黍之廣爲分十分爲寸十寸爲尺一尺二寸爲大尺十尺爲丈凡量以秬黍中者容一千二百爲筭二筭爲合十合爲升十升爲斗三斗爲大斗十斗爲斛凡權衡以秬黍中者百黍之重爲銖二十四銖爲兩三兩爲大兩十六兩爲斤凡積秬黍爲度量權衡調鍾律測晷景合湯藥及冠冕之制用之内外官私悉用大者凡庫藏出納皆行文牒季終會之若承命出納則於中書門下省覆而行之百司應請月俸符牒到所由皆遞覆而行之乃置木契與應出物之司相合凡官私互市物數有制凡縑帛之類有長短廣狹端疋屯緡之差凡賜十段其率縮三疋布三端綿四屯若雜綵十段則絲布二疋紬二疋綾二疋縵四疋若賜蕃客錦綵率